

«Հայաստանում պրոբացիոն համակարգի ներդրման և զարգացման մոնիթորինգի իրականացում և գնահատում» ծրագրի շրջանակներում փորձագետներ ներգրավելու հայտարարություն

1. Սույնով հայտարարվում է «Հայաստանում պրոբացիոն համակարգի ներդրման և զարգացման մոնիթորինգի իրականացում և գնահատում» ծրագրի (այսուհետ՝ Ծրագիր) շրջանակներում 6-ամսյա ժամկետով փորձագետներ ներգրավելու համար փաստաթղթերի ընդունելություն:

2. Փորձագետի պարտականություններն են՝

- 1) իրականացնել Հայաստանում ներդրված պրոբացիոն ծառայության օրենսդրական դաշտի, ինչպես նաև գործնականում դրա կիրարկման գործընթացի մոնիթորինգ,
- 2) իրականացնել մոնիթորինգի արդյունքների վերլուծություն և գնահատում,
- 3) իրականացնել ոլորտի միջազգային չափանիշների և առաջադեմ փորձի ուսումնասիրություն,
- 4) կատարված ուսումնասիրությունների արդյունքում կազմել Հայաստանում պրոբացիոն համակարգի ներդրման և զարգացման վերաբերյալ ՀՀ մարդու իրավունքների պաշտպանի հատուկ զեկույցը, որը կպարունակի թե՛ օրենսդրական, և թե՛ իրավակիրառ պրակտիկայի բարելավմանն ուղղված առաջարկություններ՝ հասցեագրված իրավասու պետական մարմիններին,
- 5) ներկայացնել հատուկ զեկույցն ու դրանում տեղ գտած առաջարկությունները զեկույցի ներկայացմանը նվիրված միջոցառման ընթացքում:

3. Փորձագետին ներկայացվող պահանջներն են՝

- 1) իրավաբանական բարձրագույն մասնագիտական կրթություն,
- 2) իրավագիտության ոլորտում առնվազն 5 տարվա մասնագիտական աշխատանքային ստաժ,
- 3) պրոբացիոն ոլորտի ներպետական օրենսդրության և միջազգային չափանիշների գերազանց տիրապետում,
- 4) հայերեն և անգլերեն լեզուների գերազանց իմացություն,
- 5) բարոյական բարձր հատկանիշներ և մասնագիտական բարձր հեղինակություն:

4. Փորձագետի հավակնորդը պետք է սույն հայտարարությունը հրապարակելուց հետո 30 օրյա ժամկետում Մարդու իրավունքների պաշտպանի աշխատակազմի քարտուղարությանը ներկայացնի՝

- 1) գրավոր դիմում,
- 2) ինքնակենսագրական (CV),
- 3) անձը հաստատող փաստաթղթի պատճեն,
- 4) 3x4 սմ չափի երկու լուսանկար,

5) սույն հայտարարության 3-րդ ենթակետով սահմանված պահանջների բավարարումը հավաստող փաստաթղթեր,

6) առնվազն երկու երաշխավորագիր-նամակ հավակնորդի մասնագիտական գիտելիքների, աշխատանքային ունակությունների և բարոյական հատկանիշների վերաբերյալ:

5. Սույն հայտարարությամբ սահմանված չափանիշների գնահատման և հավակնորդների հետ իրականացված հարցազրույցի արդյունքներով Պաշտպանն ընտրում է Ծրագրի փորձագետներ:

6. Փաստաթղթերի ընդունման վերջնաժամկետն է սույն թվականի փետրվարի 9-ը: Հավելյալ տեղեկատվության համար կարող եք կապ հաստատել Մարդու իրավունքների պաշտպանի աշխատակազմի Միջազգային համագործակցության վարչության հետ +374 10 538842 հեռախոսահամարով: